

Abonnement pour un an
300 piastres

Edition spéciale 500 piastres

Adresse:

"IDJTIHAD", Constantinople

Téléph. St. 865

XXIème ANNÉE

15 Décembre 1925—No 194

اجتهاد

فلسفی ، اجتماعی ، ادبی ، اقتصادی مجموعہ

آبوعمان : سنہ لکی [۲۴ نسخہ]
تورکیا ایچون ۲ ، خارج ایچون
۳ ، اعلا کاغذیسی ہ لیرادر .

ادارہ خانہ سی :

جفال اوغلندہ « اجتهاد نھوی »

تلفون : استانبول ۸۶۵

یکرمی برنجی سنہ

نومرو ۱۹۴-۱۵ کانون اول ۹۲۵

طافارلردی که بوکونیکی آوروپا اویونجیلری ده بونی بر عنعنه تاقی ایتکده درلر .

فولیکولیس اسمنده کی دیگر بالون برآزدها کوچوک اولوب یومروقله اوینانیردی ؛ لاتین مؤرخلرندن [سوئنه تون] ک روایتنه نظرآ، روما ایمپراطوری مشهور اوگوست [فولیکولیس] ی [فولیس] ه ترجیح ایدرمش ، بو کوچوک طوبه بالاخره [یومروق طوبی Ballon du poing] نامی ویریلشدر . انکتره دن انتشار ایتش اولان بوکونیکی فوت بولک اسمی ایسه ، انکیلرجه [آباق طوبی] مناسنه کلیر . والحاصل مختلف زمانلرده مختلف ملتلر طرفندن آل ، قول و آیاقله اوینامش اولان و بوکونیکی اعضای بدنک هبسیله بردن اوینامقده بولونان بوایون تام ایکی بیک سنه لک بر تاریخه مالکدر .

بازار تعطیلنک تاریخی

آوروپاده بین الملل تعطیل کونی اولان بازارک بزدهده جمه یرینه قائم اولماسی پروژه سی مناسبتیه بازار تعطیلی حقنده برآز معلومات تاریخیه اعطاسنی مناسب کوریورز : بازار تعطیلی میلادک ۳۲۱ سنه سنده شرق روما ، یعنی بیزانس ایمپراطورلی مؤسسی اولوب استانبول شهرینک « قسطنطینیّه » تسمیه ایدلمسنه سبب اولان ایمپراطور بویوک قسطنطین طرفندن بر قانون مخصوص ایله وضع واحداث ایدیلشدر . بوقانون موجبنجه الهک کونی اولان بازار کونی قوللرک استراحتیه تسعید ایدله جکدی . قسطنطینک بازار قانونی یالکزر چیفتجیلرک چایشامسنه مساعده ایدیوردی ؛ فقط بومساعده مخصوصه ده بالاخره ۵۳۸ تاریخ میلادیسنده اورلثان قونسلی طرفندن الفا وابطال ایدلدی . بناء علیه اوزمانلر بازار کونی خرسیتیانلره مخصوص دینی بر تعطیل کونیدی ؛ حتی کلیسا عالمده بوکونه لاتینجه Dies dominica ، یعنی [الهک کونی] دینیلیردی که فرانسلرک Dimanche تعبیری ده ایسته بولایتینجه اسمدن اشتقاق ایتشدی . فقط اوزمان هیچ برماهیت رسمیه سی اولایوب صرف دینی و روحانی برکوندن عبارت اولان بوکون هفته باشنه تصادف ایتک اعتباریه بالاخره ناپولئون بوناپارت زماننده ، یعنی ۱۸۰۲ تاریخنده بر قانون مخصوصه فرانسه ده رسمی ، جسمانی و مجبوری تعطیل کونی اتخاذ ایدلش و اوکون مؤسسات عمومیه نک قبالی بولوناجنی بوقانونله اعلان ایدلشدر . بالاخره تکمیل آوروپا بازار کونه بوجسمانی و رسمی ماهیتی ویرمشدر . بناء علیه بازار کونیک یالکزر دینی ماهیتی ، بیک درت یوزسکسان برسنه دوام ایتش و یوزیکرمی اوچ سنه دنیری ده جسمانی و رسمی برماهیت آلمشدر . بازار کونه روحانی ماهیتی بویوک برشرق ایمپراطورینک ویرمنه مقابل ، جسمانی ماهیتی ده بویوک برغرب ایمپراطورینک اعلان ایتش اولماسی تحف بر تصادف تشکیل ایدر .

قالینلغنده بر یاپراق طوماری آلیر ؛ بو یاپراق هپ برآزاده صاربلوب بر ایسکلر باغلامشدر . بونباتک زراعتی پک بویوک تقیداته محتاجدر ؛ یاپراقلرندن ایسته بو طومارلر یاییلوب یرلیر طرفندن براوجی باقیلقدن صوکره دیگر اوجنی ده آغیزلرینه قوبارلر ؛ بوضورتله ایچندن بردومان چکوب برمدت آغیزلرنده صاقلاقدن صوکره کرک برون دلیکرندن و کرکسه آغیزلرندن تکرار دیشاری اوفوروب دفع ایدرلر . بوضارمه طومارلر بوتون کون صباحدن آقشامه قدر یاواش یاواش یانار . بوتون آمریقا یرلیرنده بوندن واردر ؛ کندیلری بونباتی [اینبوکته] تسمیه ایدرلر سده ده بو اوتک اسپانیولجه اسمی [تاباقو] در .

نیقوتین کله سی [نیقو] اسمندن کلدیکی کبی ، فرانسلرک [Tabac] کله سی ده اسپانیوللرک تاباقو کله سندن کلشدر . بزم نورکده کی [طبقه] کله سیله عجلرک نبا کوسی ده کذا عینی اصلدن مشتقدر . توتونک بزم تورکده ده استعمالی اوچ یوز کسور سنه لک بر مسئله در ؛ ایلک دفعه اولارق مراد رابع طرفندن منع ایدیلشدر . برچوق زمان صوفقلر بوکاده شریعتی قاریشدیروب مکروه اولدیفنی اعلان ایتدیلر سده ده بالاخره هرکسدن زیاده کندیلری ایچمکه باشلادیلر .

یوقاریده کی ایضاحلارن آکلاشله جفی وجهله ، توتونک ایلک صورت استعمالی یاپراق جیغاره سی شکلنده اولوب کاغذ صارمقی اصولی مؤخردر . بوندن باشقه آغیزده چیکنه یوب عصاره سیله تلذذ ایدلرده واردر ؛ بالخاصه شمالی آفریقا مسلمانلری توتونی عمومیه بویه آغیزلرینه آلوب صایه لریه نیقوتین قاریشدیرمق صورتیه استعمال ایدرلر .

فوت بولک تاریخی

صوک زمانلرده استانبول افکار عمومیه سنی الکچوق علاقه دار ایدن وحی طهره لرده ده تعمیم ایتکه باشلایان سیور ، فوت بول اولوق اعتباریه بو اویونک پک اسکی اولان تاریخندن مراقیلرینه بحث اتمه یی فائده دن خالی کورمورز .

طوب اویونی یونان قدیم اهلایسی بیلیم یوردی . ایلک موجدی آتیکوس Atticus اسمنده ناپولی برتریه بدنیه معلمی اولوب محضا روما قونسولی بویوک پونپیی آکلندیرمک ایچون میلاد عیسی دن یاریم عصر قدر اول ایجاد ایتشدی . کرک آثار قدیمه نک وکرکسه اسکی مدالیونلرک تدقیقندن آکلاشیلدیفنه نظرآ ، رومالیلرده ایکی درلو اویون طوبی [بالون] واردی ؛ بونلرک یرینه فولیس follis و دیگرینه فولیکولیس folliculis درلردی . دریدن معمول اولوب ایچی هوا ایله شیشیرلن و بو سببله فوت بولک ایلک شکلی دیمک اولان (فولیس) طوبی ، انسان باشندن ده بوبوجکدی . لاتین شاعرلری بونی « کنیش و بر توی قدر خفیف » اولارق تصور ایدرلر . یالکزر بواسکی زمان فوت بولی ، آیاقله دکل ، قولله اوینانیردی . حتی میلادک اوچنچی عصرنده باصیلشم برمدالیونده کی رسمندن آکلاشیلدیفنه نظرآ، روما اویونجیلری بوایونی اوینارکن برنوع قوللی (بازوبند)